



सानसेयारि **“बड”सा’** खरीर्लाइयाव
स्माजयारि जिउजो लोब्बा थानाय रायथाय, खन्थाय,
खल’, खल’बाथा आरो दावबायारि थावनि, पार्क
बाइदिनि ब्यायव लिन्नाय लिन्बिदां दैथाय हर/
सानसेयारि **“बड”सा’** खरीर्लाइया खेबखानावै
फोखावजोन/
बड’सायाव लिन्हरनायनि हुडा खालाम,
“बड”सा’ खरी नोथां, जों बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 12 May, 2025 Kokrajhar, BTC, Assam ★ Vol.-35, Issue No.47 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

पाकिस्तानआ गुलि गावहरोब्बा जों बमाजों फिन्नाय होगोन: गाहाइ मन्थि मदि

गोदान दिल्ली, 11 मे: पाकिस्तानआ दावहा दोन्थनायखों सिमफायनानै गुलि गावनाय आरो ड्रनजों भारतखौ गाग्लोबनायनि थाखाय गाहाइ मन्थि नरेन्द्र मदिआ गोखों राहा लादों। बिथाड बुंदोंदि, बिसोरो बर्दारनिफ्राय गुलि गावहरोब्बा जों बेनिफ्राय बमाजों फिन्नाय हरगोन होन्नानै गोखों रावजों बुडो। जुदि पाकिस्ताननि सान्थि हान्जाया गुलि गावहरोब्बा बेनि हें थायै भारतआ खिथेर लाफिनगोन होन्नानै गोखों रावजों गाहाइ मन्थिआ बुंथियो।



सुलुनिफ्राय मिबथिनो मोन्नाय बादिल्बा, अपारेसन सिन्दुरआ दासिमबो जोबाखै होन्नानै गाहाइ मन्थि मदिआ बुंथिबावो। गाहाइ मन्थिआ बुं बावयोदि, (□ 6 बिलाइआव)

बासुगाव, 11 मे: साहित्या अकाडेमि बान्था मोनगिरि, बासुगाव गोजौसिन फरायसालिनि बारग’ गोरायुं, बारग’ फुटबल गेलेगिरि, बारग’ रेफारि, कक्राझार जिल्ला बर’ साहित्य सभानि बारग’ आफादगिरि, सालाकाटि स्पटर्स प्रमटार ससाइटिनि आफादगिरि बायदि बायदि बिबान लानानै गोसो गोथारै खामानि मावबोनायनि अनगायैबो गुबुन गुबुन समाजनि खामानि मावगा, बयजोंबो अन्साइ जाग्रा रुंसारि सक्षमीनाथ ब्रह्मनि सारादुजों लोब्बा लाखिनानै ‘आगान’ मुनि



गांसे गोसोखां लाइसिखौ बेखेवनाय जायो। कक्राझार जिल्लानि बेंखनाव थानाय सालाकाटि आउट पस्टनि हरिगावआव गावनि न’नि

लांगोनायावबो बर’ आरो असमीया रावजों सेबखानाय गोसोखां लाइसिखौ दिने बेखेवना होयो बिटिसिनि

एमसिएलए देरहासात ब्रह्मआ मोनफ्रोमबो बसुमतारिआ। बिथाड बिजाब बेखेवनानै गावनि बिबुंथियाव गावखौ सिनार्यथि होनो बुडोदि, रुंसारि लक्ष्मीनाथ (□ 6 बिलाइआव)

धनश्रीघाटनि 2नं नलबारि हायार सेडेन्कारि फरायसालियाव मेट्रिक आरो हायार सेकेन्डारि आन्जादआव उथ्रिसारनाय फरायसाफोरखौ बरायदों

उदालगुरि, 11 मे: उदालगुरि जिल्लानि बेंखनाव थानाय 2नं नलबारि हायार सेकेन्डारि फरायसालिनिफ्राय मेट्रिक आरो हायार सेकेन्डारि जोबथा आन्जादआव गोबां नम्बर मोन्नानै उथ्रिसारनाय फरायसाफोरखौ बरायनाय जायो। मख’नो गोनांदि, 10 मे रबिबारखालि मोनसे बराय मेल लिंथुमनाय जायो। बे बराय मेलखौ सामलायदोंमोन 2नं नलबारि हायार सेकेन्डारि



स्कूलनि लेडाइ गोरायुं एबा सामलाय आफादनि आफादगिरि बिष्णु ठाकुरियाआ। बिथाड

मेलखौ सामलायनायजों लोगोसे मेलनि थांखिखौबो गुवारै बेखेवसारना होयो। फरायसालिनिफ्राय 2025

माइथायाव मेट्रिक आन्जादआव गासै सा 90 फरायसाफोर आन्जाद लिर्दोंमोन। बिसोरनि गेजेराव सा 83 फरायसाफोर

उथ्रिसारनो हायो। बेनिनो सा 21 फरायसाफोर सेथि थाखोआव उथ्रिसारनो हादों। बिसोरनि गेजेराव सासे डिस्टिंसन, साब्रै स्टार मार्क आरो सा 55 फरायसाफोर 2थि थाखोआव आरो सा 7 फरायसाफोर 3थि थाखोआव उथ्रिसारनो हादों। मख’नो गोनांदि, 2नं नलबारि हायार सेकेन्डारि फरायसालिनिफ्राय गासै उथ्रिसारनायनि जौखोन्दोआ 92.22 जौखोन्दो आरो हायार (□ 6 बिलाइआव)

बिटिआरआव इउपिपिएल दैदेनाय सरकारआ गोबां जौगाखांनाय खामानि मावगासिनो दडः दावबाइसा बर’

उदालगुरि, 11 मे: बिटिआरआव प्रमद बर’ दैदेनाय सरकारआ बिटिसि ओन्सोलाव जौगानायनि खामानि मावनाया बांसिनदों होन्नानै मावफुं सोद्रोमा दावबाइसा बर’आ बुंथिदों। बिथाड बुंबावदोंदि, बिटिआर ओन्सोलाव थानाय गासैबो हारिनि जौगानायनि फासै खामानि मावबोगासिनो दडःआरो मावलांबाय थागोन होन्नानै बिथाड मख’बावो। मोनसे हारिनि थाखायल’ इउपिपिएल सरकारआ खामानि मावयाखै। बिटिसिनि बेंखनाव थानाय मोन



26 हारिफोरनि थाखाय भिचिडिचिनि 3नं बरडजुलिनि आथिखालाव बे सरकारआ कासानि बस्तिआव मोनसे बायदि रोखोमनि जौगाखां लामानि अन्थाइ खाम्फा खामानिफोरखौ मावनो जान्जि गायसन्नानै बे बाथ्राखौ बुंथियो खाम्फादों। दिने भेरागाव बियाबनि मावफुं सोद्रोमा दावबाइसा बेंखनाव थानाय सनाजुलि (□ 6 बिलाइआव)

बारहुंखाजों गंसे नख ’रआ सिलिंखार जादों



उदालगुरि, 11 मे: उदालगुरि जिल्लानि रैता थानानि सिङव थानाय 6नं धनश्रीआव थानाय शनिबारखालि 8:15 रिंगासोआव बारनाय गोखों बारहुंखाजों सुबुंफोरनि न’-बांफोरा गोबां खहा जादों। मख’नो गोनांदि, बे गिखंथाव बारहुंखाजों 6नं धनश्री गामिनि थागिरि मिलन गुलिनि गोदानै लुफुंनाय पाक्का न’नि तिंफोरा बिरखारदों। जाहोनाव न’नि गासैबो मुवा-बेसादफोरजों लोगोसे जाग्रा आदारफोरबो गाज्रियै खहा जादों होन्नानै सुलुनिफ्राय मिबथि मोन्नाय जादों। गामिनि राइजोफोरा फोरमायथिनाय बादिल्बा, न’नि तिंफोरा गासैबो बुखारलानायनि जाहोनाव अखा नागारजासिमावबो गासैबो न’नि बेसादफोर अखाजों सिजोबदोंमोन। जाहोनाव मिलनआ गोबां दुखु आरो जेनाजों मोगा-मोगि जानो गोनां जादोंमोन होन्नानै सुलुनिफ्राय मिबथि मोन्नाय जादों। □

कलबारिआव श्री श्री रामचरण ठाकुर आता सत्रआव पालनाम महाउत्सभ खुंदों

भबानिपुर, 11 मे: भबानिपुरनि साखाथियाव थानाय सत्रिया हारिमु दिन्थिफुंग्रा कलबारि गामिनि श्री श्री रामचरण ठाकुर आता सत्रखौ दिनेनिफ्राय जागायजेन्नाय जाबाय। सानथामनाडै खुंनाय 93थि पालनाम महाउत्सभ आरो बिरनाम गौमा हाबाफारिनि धोरोमारिफिरफिलाखौ बिखोहो खुंफुं आफादनि मावफुं आफादगिरि पुलकान्त तालुकदारआ। बेनि उनाव सान्जौफु निफ्राय खुंनाय हाबाफारियाव आईथिर घषानाम जथुम्माखौ बेखेवना होयो बारग’ फोरेंगिरिजो एबा बिरनाम शिल्पी प्रशन्न तालुकदारआ। बेखेवनाय हाबाफारियाव बाहागो



लानानै बिथाडा बिबुंथि लाखिनानै बुडोदि, श्रीमन्त शंकरदेबआ सोरजिलानाय बे गेदेर हाबाफारिखौ मान होन्नानै आरो धोरोमखौ खौसैयै लाखिनो थाखाय बोसोफ्रोमबो फालिनाय जायो। मख’नो गोनांदि, बिरनामनि महरगिरि अरुप तालुकदारआ

सामलायनाय बे हाबाफारियाव बेलासि समाव आइजोफोरनि घषनामखौ गेदेरथार कलबारि ओन्सोलनि मोन 20 निबो बांसिन हान्जाफोरा गोदो-गोदायनिफ्रायनो दिन्थिबोबाय थाबोनाय घषनामखौ दिन्थिफुडो। हाबाफारि बादियै 7:00 रिगायाव मुलुग गोजोननि

थाखाय आलारि बाथि सावनाय हाबाफारिखौ बेखेवना होयो कलबारि श्री श्री रामचरण ठाकुर आता सत्रनि सामलाय कमिटिनि आफादगिरि प्रशान्त तालुकदार (□ 6 बिलाइआव)

मनिपुरआव हाथियारजों लोगोसे सा 13 उतरारिफोरखौ हमदों

गुवाहाटी, 11 मे: मनिपुर राइज्योआव हारियारि दाडबाजि जाथाय सोमजिबाय थानाय समावनो रेखाथि हान्जाया गोखों अपारेसन खालामनानै 24 घन्टानि गेजेरावनो सा 13 उतरारिफोरजों लोगोसे गोबां हाथियारफोरबो बोखांनो हायो। मख’नो गोनांदि, थांनाय 24 घन्टानि गेजेराव मनिपुरनि तैनपाल, सान्जा इम्फल, सोनाब इम्फल, तौबाल आरो काकचिं जिल्लानि गुबुन गुबुन



ओन्सोलाव अपारेसन खालामनानै रैखाथि हान्जाया उतरारिफोरजों लोगोसे गोबां आइन बेरेखा हाथियार फारियै-मेगजिनजों लोगोसे एके-56 राइफल, इन्सास राइफल गंसे, मोन 6 आइडिडि, मोन 2 हेन्ड ग्रेनेट, लोगोसे मोन 101 गोथां गुलिफोरखौ जब्द खालामनो हायो। मख’नो गोनांदि, भारत म्यानमार सिमनायाव हाबनो नागिरनाय समावनो रेखाथि (□ 6 बिलाइआव)

गुवाहाटी, 11 मे: सनिबारव मणिपुर पुलिसआ 2021 माइथायाव आसाम राइफलसनि मोनसे कनभयआव हरखाब गाग्लोबनायजों सोमोन्दो थानाय सासे 27 बोसोर बैसोनि उतरारिखौ हमनो हायो, जायनि जाहोनाव सासे गागि मावख’गिरि आरो बिनि नख’रजों लोगोसे साबा सुबुनि जिउ खहा जायो। बिबानगिरिफोरा हमजानाय सुबुंखौ आयेन बेरेखा पिपुल्स लिबेरेशन आर्मी (पिएलए) नि सासे सांग्रां सोद्रोमा आरो



तौबाल जिल्लानि तेन्था गामिनि थागिरि सगलशेम सनातम्बा सिंह होन्ना सिनार्यथि होदों। वांगबल मेनिंग लेइकाइआव मोनसे नोजोर होनाय अपारेसननि समाव पुलिसआ सानतम्बाखौ खादोंमोन, जाय गिख’थाव गाग्लोबनायजों सोमोन्दो थानाय एन.आइ.ए. नि

नायबिजिरनायाव सन्देह’ गोनांफोरनि गेजेराव दं। मणिपुर पुलिस कन्ट्रल रुमआ बुंनाय बायदियै मावख’गिरिफोरा बिथानिफ्राय गंसे मबाइल फन आरो गैने सिम कार्डबो जब्द खालामदों। 13 नभेम्बर, 2021 माइथायावे उदखारिफोरा भारत-म्यानमार सिमानि साखाथियाव चुराचान्दपुर जिल्लानि एस सेहकेन गामिनि खाथियाव 46 आसाम राइफलसनि कनभयखौ गाग्लोबदोंमोन। गाग्लोबनायनि फिथाइ महरै कर्नेल भिप्लब (□ 6 बिलाइआव)

सुजुगिरिनि खोलोम

आबाद मावनायाव-दिहुन्नायाव सांग्रां जानांगौ

आधिकाल मोनफा आबाद दिखानाय एबा मावनायनि थाखाय थि सम एबा बोथोरनि गोनांथि नांलिया। जायखि जाया समावनो मोनफ्रोम आबादखौनो मावनो एबा दिखानो हासै, मोनफा-मोननै फसलनि अनगा। गोदो बोसोर खालाव मोनफाल’ आबाद मावनानै दिखानाय जायोमोन आरो बेजोंनो बोसोरनि जानाय आदार, थाव-संख्रै-फानलु , गान्नाय-जोमनाय, गथ’-ग’थायनि फरायनायखौ फोलोमसे फोलोमोनानै फुरायनांगौ जायोमोन। जाउनाव गोबाडनो नख’र सामलायनायाव जेना नुजाथिनाया बयनावबो नुजायोमोन। गोदोनिल’ बाश्रा नडा आथिखालावबो आबादजोल’ गासैखौबो सामलायनांगौया गोब्राबसै। नाथाय आथिखाल गोबां रोखोमनि फसल जिनै दाननि गेजेरावनो मोनफा नडा मोनफा आबाद मावनानै दिखानो हानाय जौनि गोनोखोगिरिफ्रा दिहुनबाय। बाडाइ सम आरो गोबां दिहुनथाय गोनां बेफोर फसलजेंनो जौनि आबादारिफ्रा गोबां फिथाय मोन्नो हानाय जाबाय आरो मुलाम्फाबो आर्जिनो लामा मोनसै। गोनोखोगिरिनि बे दिहुनथायानो बाडय सम आरो एसेल’ हायावनो गोबां बिबानि फसल दिहुन्नायाव मदत खालामबाय। जायनि थाखाय आधिकालाव आबादारिफ्रा मोनफा नडा मोनफा आबाद दिखानानै आंखाल फोलोमनायनि लामा मोनबाय। मेसेनि मेसें, दैज्त्तानि दैज्त्तां गोबां रोखोमनि आबाद मावनो आरो दिहुन्नो हासै।

नाथाय सम सम मिथिंगायारि अलखदआसो आबाद दिखानायाव आबादारिफोरखौ बाइदिसिना बिथिनि जेनायाव खोख्नैनानै आंखालजों आन्दायहोनानै जुब्रा खालामो। नोजोर खालामथावदि थांनाय दैज्त्तां बोथोरनि आबाद गाइनांगौ-फुनांगौ समाव मिथिंगायारि खैदां रानस्राव बोथोर नुजाथिनाया जायगा जायगा माइ आबाद दिखानायाव गोबां खहा खालामनानै होदों। जाउनाव माइ आबादनि सायाव सोनारनानै जिउ खुंग्रा आबादयारिफोरनि गोबांखौनो जालांयाव खोख्नैदों आरो आंखाल खालामनायनि लामा लादों। आबादयारिफोरनि बे आंखालखौ फोलोमनो सरकार बिथिनिफ्राय बाइदिसिना रोखोमनि मदत होनायनि गोनांथि दं, जायनि गेजेरजों बिसोरबादि आबादयारिफ्रा थांनानै थानायाव जुब्रा जानाडा। नाथाय सरकारनि बेफोर मदतफ्रा आबादारिफोरनि आंखाल फोलोमनो थोजासे नडा। बेखायनो मदतजों लोगोसे गावनि फासैंबो गोख्रों फोथायनाय लानाय गोनांथार।

दिनैनि फान्जामुथि

राशि बाइदियै मुंनि गिबि हांखो

मेघः अल कर्कटः तुलाः मकरः

बुषः ऊब (उ ए इ) सिंहः म ट वृश्चिकः ब न कुम्भः ग श (स)

मिथुनः क छ (ड घ) कन्याः प ट धनुः ध भ (ढ़ फ) मीनः द च (ख ज झ)

मेघः

सोरजोंबाफोर हेंथा-हेंथि जालायनो हागौ। जेखि जाया गोसोखौ हमथा।

बुषः

मोजां रेंग’थि जानो हानायनि बयजोंबो बाख्याय जानो मोनगोन। जेरावबो मुंदांखा जानो हागोन।

मिथुनः

जेरैबो गोहो-बोलोखौ मोन्नो हागोन। गोजोन्नायखौ मोनगोन। मोजां सान।

कर्कटः

सोरजोंबाफोर बायदिसिना होन्नानै सोंखारि जानो हागौ। जेखि जाया गोसोखौ हमथा।

सिंहः

जेखि बादाय देरहासारनायखौ मोन्नो हागोन। फारफ्रोमथिबो मोजां। गोजोन मोनगोन।

कन्याः

मानिबा जाहोनाव गोसोखौ शान्ति गैयै मोनगोन। गोसो हमथानानै सोलिनांगोन।

तुलाः

सोरनिबा थाखाय बरनाम मोनफानो हागौ। जेरैबो सांग्रां जानानै थानांगोन।

वृश्चिकः

जेखियानो मावा फालांगिआव मुलाम्फा खालामनो हागोन। बे रशिनि थाखाय गाहाम सान।

धनुः

दिनै गोबां रां खरसा जानो हागौ। आखायनि रांआ जोबसांनो हागौ।

मकरः

सान्जौफुनि 12:00 रिगानिफ्राय माबा मोनसे खहा जानो हागौ। गोसोखौ शान्ति मोन्नाय नडा।

कुम्भः

हरखाबे माबाफोर मुवा-बेसाद मोन्नायनि आसा दडा। गोसोखौ गोजोन मोनगोन।

मीनः

मोन्नो हास्थायनाय, लबिया जानाया बांलांगोन। गोसोखौ हमथानांगोन।

गुवाहाटी हाइ कर्टआ देहा फाहामसालिनि सांग्रांथि गैयैनि थाखाय अरुनाचल सरकारखौ दायनिगिरि हमदों

इटानगर, 11 मेः गुवाहाटी हाइ कर्टआ सासे आइजो थैनायनि थाखाय अरुनाचल प्रदश सरकारखौ दाय जाबसिन्दों, जाय फाहामथायनि सांग्रांथि गैयै आरो रइ जिल्ला देहा फाहामसालिआव ब्लाड बेंक गैयैनि जाहोनाव जिउ गोमानांदों। बिजिरगिरि मानश रन्जन पाठकनि बिजिरसालिआ राइज्योनि देहा बिफानखौ आइजोनि नख’रनो 2.5 लाख रां अन्सुंथाय होनो बिथोन होयो।। मिटि मेगाआ थांनाय 2015 आव गोब्राबै ब्लिडिं जानाय आरो गथ’ जोनोम

होनायनि उनाव थैनि आंखाल जानायनि जाहोनाव रइ देहा फाहामसालिआव जिउ गोमायो। बिनि बिखुन्जो जुजाकी मेगाआ बिजिरनो दाबि देखानानै गुवाहाटी हाइ कर्टआव आर’जलाइ थिसनो। कर्टनि बिथोनआव लिरदोंमोनदि, आर’जलाइ थिसनग्राआ बुंदोंदि, जुदि, रइ जिल्ला देहा फाहामसालिआव मोनसे ब्लाड बेंक आरो देहा फाहामसालिआव मोजां ट्रेनि मोन्नाय फाहामगिरि दडमोनब्ला बिनि बिहामजोखौ रैखा खालामनो हागौमोन। कर्टआ नोजोर होदोंदि, मिटि

मेगाआ गोब्राबै एनिमियाजों भुगिनांदोंमोन आरो बियो तिराप जिल्लानि खंसाआव प्री-नेटल

चेकआप खालामदोंमोन आरो उनाव रइ जिल्ला देहा

फाहामसालिआव थिसनदोंमोन। बे केसनि

फिन्नाय होग्राफोरनि हल्फनामाफोरखौ गोथौयै नायबिजिरनायनि उनाव बिजिरसालिआ अरुनाचल प्रदश सरकारनि देहा आरो नख’र जौगाखां बिफानखौ आर’जलाइ थिसनग्रानि बिहामजो थैनायनि थाखाय दायनिगिरि गनायो। बेनि गेजेरजों बिजिरसालिआ अरुनाचल देहा आरो नख’र जौगाखां बिफाननि कमिसनार आरो नेहाथारिखौ थैनायनि उन्दै फिसाज्जालि मुडव गंसे माहारियारि बेंकआव अन्सुंथाय रांखान्थि जमा खालामनो बिथोन होयो।

रांखान्थियारि बोसोर 2026 माइथायाव भारतनि रांखान्थियारि मोजां जौगानायनि हार मोनगोन

गोदान दिल्ली, 11 मेः सिआइआइनि आफादगिरि सन्जिब पुरीआ रबिबाराव बुंदोंदि, सोलिफु रांखान्थि बोसोराव भारतनि जिडिपिआ 6.5 जौखोन्दोनि हारजों बांनायनि आसा दं। मोनसे रिपर्टनि बायदिब्ला, पुरीआ बुंदोंदि, बांलांनाय फालांगियायि हेंथाफोरनि आनदोआव हादरा हायुंआरि मुलाम्फाफोरखौ रैखाथि होनो थाखाय गाहाइ फालांगि यारि बाहागोआरिफोरजों बाइलेटेरेल फालांगि गोरोबथायाव हाबनांगौ। गोहो, रोगाथाय, धातु, रासायनारि आरो आलासि सिबिनाय बायदि गुबुन गुबुन बिथिडव गावारि रां थिसननाया बांगासिनो दं। आथिखालनि भुमखौराखरि रोखा नडै बाश्राया रां थिसननायाव एसे सांग्रांथि लाबोनो हागौ। भारतनि थाखाय रांखान्थियारि जौगानायनि नायखानायनि सोमोन्दै पुरीआ बुंदों, जों 6.5 जौखोन्दोनि हारजों जौगानायखौ मिर्जिथिंदों। जों फोथायोदि, बे अनजिमाखौ गुदियै मोनफुंनो

हायो मानोना सैथोआ बेनोदि, जों मोनसे जुक्तिगोनां मोजां बिथा आरो मोनसे गोख्रों रांखान्थियारि बिथाजों जागायजेनदों। जाहोनफोरखौ गुवारै फोरमायनानै बिथाड मख’दोंदि, बावैसो सानफोराव सुदनि हारफोरा बाडाइ जादों आरो बेसेन बांनाया खम जागासिनो दं। 1 एप्रिलनिफ्राय गावारि आयखाजोनानि रेहाय होनाय जादों। थांनाय बोसोरनि उननि खावसेयाव सरकारि आरो सरकारि नडिमोनैबो सेक्टराव रां थिसननाया बांदों। पुरीआ मानिना लादोंदि, आमेरिकानि हादरगिरि डनाल्ड ट्रम्पजों गोबां गाहाइ रांखान्थिफोराव थांखि लानाय गोजौ खाजोना आरो

बांलांनाय रैखाथिबादनि मुलुननां थासारिनि जाहोनाव बे समाव फालांगियाव हेंथा बांगासिनो दं। बिथाड सुबुरुन होदोंदि, भारतआ फारसेयारि फालांगियायि गोरोबथायाव हाबनांगौ, जाय गावजों-गाव मुलाम्फा गोनां आरो हायुंआरि मोजांनि थाखाय। बेनिखायनो भारतआ जाय हादरफोरखौ उनसंगासिनो दं, गुबैयै जुथाइ रायजो आमेरिका आरो इउर’पियान इउनियन बायदि गिदिर हादोरफोरा मख’जाथाव। बिथाडा बादायलायनायखौ बांहोनो थाखाय माखासे सेक्टरफोरनि थाखाय मोनथाम-थाखोआरि खाजोना गायसनोनोबो सुबुरुन होदों।

बलुचिस्तानआव बिएलए सरकारि मावख’ आरो पुलिसफोरनि सायाव गाग्लोबदों

क्वेटा, 11 मेः पाकिस्तानआव बलच लिबारेशन आर्मि (बिएलए) आ दाबि दैखांदोंदि, बिसोरो सान्थ्रि, पुलिस आरो माखासे सरकारि मावख’फोरजों लोगोसे मोन 29 जायगाफोरनि सायाव गाग्लोबनानै सरकारि तन्त्रखौ गोबां ख’हा खालामो। बलुचिस्ताननि उदांस्त्रिनि थाखाय गोबां बोसोरफोरनिफ्रायनो दावहा खालामबोबाय थानाय बिएलएआ भारतजों लोगोसे पाकिस्ताननि दावहानि समाव खोसेयै एक्टिभ जायो आरो बिसोर माखासे चन्टनि गेजेराव गासै मोन 39 जायगाफोराव गाग्लोबो। आफादआ गावसोरनो बे खौरांखौ

फोसावना होदों। नायबिजिरनाया सोलिबाय थागोन होन्ना बुडे। आफादआ माखासे पुलिस थानानि सायावबो दखल खालामना लाबाय आरो ओन्सोलाव माखासे लामाफोरखौ बन्द’ खालामना होयो। बे आफादनि नायबिजिरनाय आरो दखलाव लानाय जायगाफोरनि सोमोन्दै थाबैनो गुवारै खौरां होनाय जागोन होन्ना आफादा फोरमायदों। बिएलएनि बुंनाय बायदिब्ला ओन्सोलाव मिथिंगायारि सम्पदनि गिदिर बाख्रि दड। बे दाबिखौ पाकिस्तान सरकारा गावसोरनि जौगाखांनि थाखाय बाहायगासिनो दं। नाथाय ओन्सोलनि सुबुंफोरा जेबो

मोन्नो हायाखै। जेब्ला जौगाखांनायनि बाश्रा बुडो अब्ला पाकिस्ताननि सान्थ्रिफोरा बलुचफोरखौ इनाय अनागार खालामो आरो बिसोरखौ खोमायो। बेबायदिआ गोबां बोसोरनि फायनो सोलिबोगासिनो दड। गोमानाय सुबुंफोरनि अनजिमाया गोबां जालांबाय बिसोरनि गोजोराव बांसिनखौनो बुथारनाय जाबाय होन्ना सन्देह खालामदों।

पाकिस्तानआ भारतआरि सान्थ्रिनि गोहोजों सिरि जानांदों

गोदान दिल्ली, 11 मेः सिगाडाव भारतआ पाकिस्तानखौ लान्थ्रियै गाग्लोबो। नाथाय सिजफायारि उनाव पाकिस्तानआ गाग्लोबो, जाय नेम-खान्थिफोरनि हेंथामोन। अदेबानि मिरु सरकारनि बिथोननि उनाव सान्थ्रिफोराबो गोख्रोडै नायबिजिरो, जायनि उनाव पाकिस्तानआ सिरि जायो। बेनि गेजेरजों सिमनायाव रैखाथि हान्जाया सांग्रां जायो। बेनि जाहोनाव रबिबारखालि जम्मु

सहरआव थासारिया सरासनस्त्रा जायो। 10-11 मेनि हराव ड्रन, गुलि गावनायनि खौरां मोनैनि उनाव पुन्छ ओन्सोलावबो थासारिया सरासनस्त्रा जायो। बेनि गेजेरजों भारत आरो पाकिस्ताननि गेजेराव जेना बांनायनि गेजेरजों अमृतसरनि जिल्ला कालेक्टरआ रेड एलार्ट फोसावो, जेराव थागिबिफोरखौ न’सिडव थानो आरो खिरकिफोरनिफ्राय जानगाव थानो खावलायनाय जादों। रबिबारखालि फोसावनाय मोनसे बिबुंथियाव

जिल्ला कालेक्टरआ बुडोदि, जों नांथांमोननि सुबिधानि थाखाय मोब्लिबखौ जगायना होबाय। नाथाय जों दासिमबो रेड एलार्टआव दड।

आथिखालाव सायरन गाबगोन, जाय बे रेड एलार्टनि इसार होगोन। जों जेब्ला गनायथि मोनगोन अब्ला नोसोरनोबो खौरां होगोन होन्ना जिल्ला कालेक्टरआ बुडे।

कंग्रेसआ जर'खा जथुम्मा खुंनो दाबि दैखांदों

गोदान दिल्ली, 11 मे: कंग्रेसआ भारत आरो पाकिस्ताननि गेजेराव सांन्धियायि नायबिजिरनायखौ होबथानो गनायथि होनायनि उनाव थानाय शनिबारखालि बुडोदि, गाहाइ मन्थि नरेन्द्र मदिनि दैदेन्नायाव गासै दोलोनि जथुम्मा आरो संसदनि जर'खा जथुम्मा लिडे। जाहाथे हादतआ खौसे जानानै हान्जायारि समायखिरा लानायखौ दिन्थिनो हायो। पार्टीनि माखासे दैदेनगिरिफोरा बे समाव 1971 नि दावहायाव भारतनि देरहानायखौ मख'नानै आगुनि गाहाइ मन्थि इन्धिरा गान्धीनि दैदेन्नाय आरो साहजखौ गोसोखाडे। बेरेखा दोलोआ दावहा दोन्थ'नायाव आमेरिकानि बिफावनि सायावबो सोंथि दिखाडे। कंग्रेसनि गाहाइ नेहाथारि जयराम रमेशआ एक्सआव होनाय मोनसे पस्टआव बुडोदि, दावहा



दोन्थ'नायखौ लानानै लानाय थांखिफोरखौ नोजोर होनानै गाहाइ मन्थिया गाहाइ दोलोनि जथुम्माखौ दैन्ना गासै राजखान्थि दोलोफोरखौ फोथाय होनायनि गोनांथि दँसै। आथिखालाव सिगांनिफ्राय बांसिन संसदनि जर'खा जथुम्मा लानायनि गोनांथि दं। जेराव पेहेलगामआव जानाय उतखारि गाग्लोबनायनिफ्राय लानानै सिगांनि सोलोखान्थिसिम थानाय 18 सानफोरनि जाथाइफोरनि

भारत-पाकिस्ताननि गेजेराव सिजफायारनि उनाव ट्राम्पआ गोदान दाबि दैखांदों

वाशिंगटन, 11 मे: जम्मु-काश्मीरनि पेहेलगामआव जानाय उतखारि गाग्लोबनायनि उनाव भारतआ नायबिजिर फिन्नानै पाकिस्तान आरो पिअके आव थानाय उतखारिफोरनि मोन 9 केम्पफोरनि सायाव एयार स्ट्रइक खालामनानै सिलिंखार खालामदोंमोन। बे अपारेसनखौ भारतआरि सांन्धिआ 'अपारेसन सिन्दुर' मुं होदोंमोन। भारतनि बे नायबिजिरनाय उनाव पाकिस्तानाव गोबां बिग्रायखांदोंमोन आरो बेनि उनाव पाकिस्तानआ भारतनि जम्मु-काश्मीर, पान्जाब, राजस्थान आरो गुजरातआव इनजों गाग्लोबनो नाजार्दोंमोन, जायखौ भारतआरि डिफेन्स सिस्टेमआ बाराव सिलिंखार खालामदोंमोन। भारतआ पाकिस्ताननि बे आखुनि



गोखोडै फिन्नाय होयो आरो पाकिस्ताननि गंङ्ग एयारबेसफोरखौ नोजोर होनानै सिलिंखार खालामो। लासै-लासै दरनै हादतफोरनि गेजेराव जेनाया बांसिनो। बेनि गेजेरजों आमेरिकानि हादतगिरि डनाल्ड ट्राम्पआ टुइट खालामना फोरमायोदि, भारत आरो

पान्जाबनि माखासे सह्रफोराव फिन ब्लेकआउट खालामनाय जादों

गोदान दिल्ली, 11 मे: भारत-पाकिस्तानआव दावहा दोन्थ'नायनि माखासे घन्टा उनावनो पान्जाबनि फिरजपुर, गुदासपुर, मुक्तसर, हसियारपुर, बरनाला, मगा, पठानकट, फाजिल्का कपुरथलाजों लोगोसे माखासे जिल्लाफोराव फिन ब्लेकआउट खालामनाय जादों। राजस्थानआव पखरण आरो बाड़मेरआव इनजों गाग्लोबनाय जादों, जायखौ बारआवनो सिलिंखार खालामनाय जादों। बेनि उनाव सिमना जिल्लाफोराव रेड एलार्ट आरो बाड़मेरआव हाइ रेड एलार्ट फोसावनाय जादों। जधपुरआव गासै बाजारखौ बन्द' खालामनाय जादों। दावहा



दोन्थ'नायनि उनाव पान्जाबनि जिल्लाफोराव शनिबार मोनायाव ब्लेकआउट बोखारनायखौ फोसावनाय जादोंमोन। बठिन्डाआव सुबुंफोरा गावसोरनो ब्लेकआउट खालामना लादों। अमृतसरआव श्री गुरु रामदासनि हारिमायारि एयारपर्टनि साखाथियाव इन मुभमेन्ट जादों, जायखौ लानानै रैखाथि एजेन्सिफोरा सांग्रां जादों। आगुनि सानफोराव पाकिस्तानआ पान्जाबनि माखासे जायफोराव इन गावदोंमोन। पठानकट एयारबेस एबा मिलिट्रि एरिया, जालन्धरनि आदमपुर एयारपर्ट, बिएसएफ कनटेनेमेन्ट, हरिके हेडवाक्स, श्री गइदवाल साहिबआव थानाय थार्मल प्लान्टआव

पाकिस्तान दरनैबो हादतआ सिजफायारनि थाखाय रजि जाबाय। थानाय शनिबारखालि दरनै हादतनि गेजेराव सिजफायार फोसावो। बेनि माखासे घन्टा उनावनो पाकिस्ताननि फारसेनिफ्राय फिन खेबसेबाव इन दैथाय हरना सिजफायारखौ सिफायो। नाथाय माखासे समनि गेजेराव थासारिया सरासनस्त्रा जाफिनो। बबेखानि दरनै हादतनि गेजेराव रादाय खानायनि आन्दोआव ट्राम्पनि गिदिर आखाय दड होन्ना गनायना लानाय जादों।

मणिपुराव रैखाथि हान्जाफोरा जरजुलुमै रां लानायनि हेंथायै सा 18 दायनिगिरिफोरखौ ग्रेप्टार खालामदों



इम्फल, 11 मे: मणिपुर पुलिस आरो रैखाथि हान्जाफोरा रइज्योनाडे नागिरनाय हाबफारिखौ गोखोंसिन खालामदों, जायजों उतखारि आफादफोर आरो रैकेटजों लोब्बा गोनां दायनिगिरिखौ ग्रेप्टार खालामनाय जादों। बेनि गेजेरजों थानाय 10 मेयाव कालेइपाक कम्पुनिस्ट पार्टि (पिपुल्स वार गुप) नि सानै एक्टिभ सोद्रोमाफोरखौ सोनाब इम्फलनिफ्राय ग्रेप्टार खालामो। बिसोरखौ निंथौजाम किरण मितइ

उपनाम बइना आरो सरकेबाम इनाअचा सिंह मुडै सिनायथिनाय जायो। बे जगया हायेन ओन्सोलाव सरकारि बिफानफोर आरो नोगोरारिफोरनिफ्राय रां दाबिनायाव दंफायोमोन। बिसोरनिफ्राय गोबां बिबानि गुलि-बारुद, फोसावदिं जोन्थोर, ब्लेटप्रुफ जेकेट आरो मोनसे के मुफ्लेज हलमेट बोखानो हायो। मोनसे आलादा अपारेशानाव बै

सानखालि आरोबाव सासे केसिपि (अपुम्बा) सोद्रोमा अभुजाम मनज सिंहखौ सलाम मेनिं लेइकाइ, पटसइनिफ्राय ग्रेप्टार खालामो। बिबानगिरिफोरा बिनिफ्राय गंसे मबाइल फन आरो गर 46 गोथां गुलि, 5.56 मिमि कलिबर बोखाडे। रैखाथि हान्जाया सोमावसारया पिपुल्स फ्रन्ट/पिपुल्स लिबारेसन आर्मिनि सासे केडार सगलसेम थइथइ उर्फसेमसनखौ मायं

लांजिं क्लेस्काइनिफ्राय ग्रेप्टार खालामो। बियो इम्फलाव सरकारि स्कुल आरो सुबुंफोरनिफ्राय रां लानायाव लोब्बा दंफायोमोन। बै सानखालिनो पिआइपिएकेनि आरो सासेबाव केडारखौ ग्रेप्टार खालामो। बेबायदिनो आलादा आलादा समाव गुबुन गुबुन ओन्सोलोफोरनिफ्राय गासै सा 18 उतखारि आरो दायनिगिरिफोरखौ ग्रेप्टार खालामो।

मनिपुरनि डिजिपिआ शिरुइ फोबोंनि सिगां उखरुलआव रैखाथियारि राहाखौ नायबिजिरदों

इम्फल, 11 मे: मनिपुरनि पुलिस गाहाइ बिथोनगिरि (डिजिपि) आ उखरुल जिल्लाआव साननै दावबायदों, जायखौ आइन आरो आबुथिनि थासारिखौ नायबिजिरनो आरो फैगौ शिरुइ फोबोंनि थाखाय रैखाथि थियारिफोरखौ नायबिजिरनो थाखाय लानाय जादों। बे फोबोंखौ 20 निफ्राय 24 मेसिम खुंनाय जागोन। दावहानि समाव डिजिपिआ पुलिस गाहाइ फसंथानफोरखौ नायबिजिरों, जेराव पुलिस एसपिनि मावख', उखरुल पुलिस स्टेसन, लिटान पुलिस स्टेसन आरो 6 थि मनिपुर राइफलस बेटेलियननि गाहाइ मावख'आ दंफायो। बिथाइ जिल्लानि पुलिस



बिबानगिरिफोरजों लोगोसे मोनसे गोजौ थाखोनि रैखाथि जथुम्मा खुंनो आरो रैखाथि सोलोखाथिफोरखौ नायबिजिरनो थाखाय मिरु सिएपिएफ आरो आसाम राइफलसनि

बिबानगिरिफोरजों लोगोसेबो सावरयो। डिजिपिआ गासै गाहाइ फोबों खुंगोन जायगाफोराव दावबायो, जेराव हारिमुवारि

फोबों खुंगोन जायगाफोराव दावबायो, जेराव हारिमुवारि

भारत आरो पाकिस्ताननि गेजेराव सिजफायार फोसावबाय



गोदान दिल्ली, 11 मे : भारत आरो पाकिस्ताननि गेजेराव आथिखालाव सिजफायार फोसावबाय। बेबायदियाव सोंथि सिखाडेदि, भारतआ थानाय 7 मेआव खालामनाय अपारेसन सिन्दुरनि उननिफ्राय सान्थामनि दावहायाव मा मोनखो आरो मा खोमाना लानांखो। मख'नो गोनांदि, हादतआ सिमनायाव थानाय सह्रफोर आरो गामिफोराव थानाय माखासे नोगोरारिफोरनि जिउ खोमानाया जोबोद दुखु नांथाव। नाथाय दरसे हादत महैरे जेखौ मोन्दों बेयो जोबोद गिदिर। बेजों लोगोसे भारतआ बे समाय खिराखौबो मख'योदि, जेरेबायदियै 100 किल'मिटार गोथीसिम हाबनानै गावथारहैंदों। बेबायदियाव जुदि उतखारिफोरा सिरियै थायाब्ला गावथारबावगोन।

अदेबानि उतखारि आयदानि सायाव मोनसे गोदान नर्मेल थि खालामबाय। सिजफायार फोसावनायनि माखासे घन्टा सिगांनो सरकारनि फारसेनिफ्राय बेनि रोखा खौरां होनाय जायोदि, इयुनाव उतखारि जाथाइखौ दावहानि समान गनायना लानाय जागोन आरो बेनि हेंथायै नायबिजिरनाय जागोन। गासै मुलुगनो खौरां होनाय जायोदि, गुबुन हादतनि फिन्नाय उतखारिखौ आथिखालाव भारतआ सहायनानै थानाय नडा। बबेखानि सिजफायार फोसावनायनि सिगां सरकारा गावसोरनि शर्तखौ फोरमायो। आथिखालाव सिन्धु दै रादायाबो थाबथाना दं, जुदि

कहिमा, 11 मे: नागालेन्डनि फरायसा आफादआ थानाय 10 मेआव नागालेन्डनि फेक जिल्लानि किक्रुमा ओन्सोलाव मोनसे गाहाय लामाखौ जौगाखां होनायाव गोबाव जानायनि हेंथायै मोनसे रेलि खुंदोंमोन। धर्ना होग्राफोरा सिएसइडनि मदतगिरि जायफोरा नेशनल हाइवे आरो इन्फ्रास्ट्राक्चर डेभेलपमेन्ट कर्परेशन लिमिटेड (एनएचआइडिसिएल) नि हेंथायै स्ल'गान होयो। बिसोर 29 किल'मिटार लामा बिथांखि कहिमा-जेस्सामी माहारियारि राजा-लामा (पेकेज-2) नि थाखाय थिकादार बे हाइवेआ कहिमाखौ जेस्सामीजों सरजाबो, जाय किक्रुमा, फेक, मेलुरी आरो किफायार



जिल्लाफोरनि सुबुंफोरनि थाखाय मोनसे मख'जाथाव लामा। जायगानि सुबुंफोरा गोलाव समनिफ्रायनो हा गिसिखानाय आरो गाजि लामानि थासारिजों भुगिबोनांदों, जाय लांन्थियै हान्था-मेलायाव जेना सोमजिहोदों आरो जिउखौ अलखदआव खोख्लैंदों। सुबुंफोरा बे बिथांखिनि जौगाखानायनि आंखालाव गोसो बायदों होन्ना सिएलइडनि आफादगिरि फुल सारा बुडे।

सुलुंनि बायदिब्ला, बे हाबाफारिया 2024 नि 5 जानुवारीयाव जागायदोंमोन। थानाय 2 मेआव खनले-खनले थांखि होनाय आरो 7 साननि आल्टीमेटम होसेयावबो बेयाव जेबो साबस्त्राडाखै। आथिखालाव अखा बोथोर सौफैफिन्नायाव लामा गात्रिया हान्था-मेलानि थाखाय अलखद गोनां जाना फैदों आरो बेयो खुंथाइ सांग्रांथि गैथेखौ दिन्थियो होन्ना सारा बुंदों।

गोदान दिल्ली, 11 मे: भारतआरि अखांमा बिरोंदामिनआ मुलुगनाडैनो सिनायजानाय, बेनिखायनो मोनसे आमेरिकानि अखांमा कम्पनी, भास्टआ फैगौ बोसोराव मुलुगनि गिबिसि फालांगियारि अखांमा स्टेशनखौ हगरनो सानथांखि लादों आरो गावनि कक्षीय आनजादसालियाव मावग्रा



हानजानि सोद्रोमाफोरखौ दैथायहरनो थाखाय भारतरि रकेटफोरखौ बाहायनो गोसो जानायखौ फोरमायदों। मोनसे रिपर्टनि बायदिब्ला, भास्टनि सिइअ मैक्स हटआ अखांमा बिरोंदामिननि बिथिडाव जाथावना हेफाजाबनि सायाव सावरायनो थाखाय ग्लबेल स्पेस एक्सप्लोरेशन जथुम्मानि समाव भारतरि अखांमा बिजिरसं आफाद (इसर)नि दैदेनगिरि हानजाजों लोगो हमदों। रिपर्टफोरनि बायदिब्ला,

अखांमायाव बे कम्पनीया मोनसे अखांमा स्टेशन बानायनायनि बादायलायनायाव दं, जाय हादर-गेजेरारि अखांमा स्टेशननि उनमोनगिरि जागोन, जायखौ 2031 मायथाइसिमाव खामानिनिफ्राय बोखारनाय जागोन। केलिफर्नियायाव थानाय बे कम्पनीया मे 2026 मायथाइयाव स्पेसएक्स फाल्कन 9 रकेटजों मोनसे मोनसेल-मडयुल स्पेस स्टेशन, हेवन-1 लन्च खालामनो सानथांखि खालामदों। हडआ बुंदोंदि,

4

बिलाड़

कक्राझार, समबार 12 मे, 2025

अन्जालि

नॊखौं नेनानै मॅग्लिबाय आंनि जीउमाया,
जेब्ला फोथार– बारिआव बेरायनो थाङे,
अब्ला साया– माया सिखिरि सिख्ला जानानै
मोसाफेनाय बायदि नुयो।

दागुगालां नों रजे आंनि बिखानि मैला जानानै।
आरोबाव हालिया आं सहायनो,
आंनि गोर्बो इंसिनि दानानै दोनखानाय
सनानि फनजारिआव हाबफेदो।

नुदों आं सिमां नॊखौं लानानै– नॊखौं लानानै,
सनानि देरा लुनो नाजादों आं
सिमांखौं मोकथां खालामनो।

दङ हनै जिउनि लामायाव गसंथेनानै
सुथुरफोरा हानजानि– हानजा
मोजां मोनलायनायनि बेरेखा उदखारिफ्रा।

थास’ एउघ्रानाय बायदि एउघ्रगोन
आं नॊनि थाखाय।

बोहेहोगोन उदखारिफोरनि थेंनि बाना,
दुगैगोन आं बिसोरनि थैजों
बोहेहोगोन उदखारिफोरनि मेगननिफ्राय
मोदेनि बाना नॊनि थाखाय।

सौसि– सौसि थांगोन आं हाग्रा– बंग्रा
दैमा– दैसा, हाजो– हाला, बिलो– फुंखानि
गेजेरजों।

दैमाखौं बारनो हायाब्ला, सनानि
बान्दो खोनानै होसोलांगोन आं
नॊनि रैखानि थाखाय, अनजालि।

श्री गेरेमसा बरगयारी
मैदेरखर’
जिल्ला: कक्राझार (बि.टि.सि.)।

सोर नों?

सोर नों हायनारि
बिखाया बेसेबा फिसा
गोबानो सानो संसारखौं;
जिउआ आंनि उन्दै
बिलिरनो सानो मुलुगखौं।

गोसोआ आंनि,
आनदायबाय आं बे संसाराव;
आंहा गोसोआव बबेनिबा रादाब फैदों
रंगिना गाबजों बाज्ल’ बायदों
फिथिखा लुफावनाय सेंग्रा समाव।

जोबनो गैयै गोसोनि हास्थाइनाय
जिउनि आंग्रिनायाव,
जोबनो रोङै गाबजों
मा मैया दिन्थियो नों?

अननाय गिरि।
बेनो आंनि गोसो।

मुश्री समबारु दैमारी

दासान नों आंखौं गाजि

कक्राझार नाराबारि गामिनि दैसा सेराव नआ बनि,
थायो आंबो बिनि ननि हरैजाय।

सानोमोन आं बेजों फंसे गोदै राव
रायज्लायना लानो।

नुवा नुदोंमोन आं,
नायआ नायदोंमोन बेखौनो आंनि सान्ना।

नाथाय बहा नुबावनो बहा नायनो हाबावनो।
खालाम फ्लांबाय आं बनि गोसोखौं दुखुनि
लैथोआव गब’ होना दोनफ्लांबाय आं।

सानाखैमोन आं एसे अखा निहोर बायदि
थायक्रिनायादि बाना जागोन।

बानाखौं नुना सानबाय आं नाव
बानायहां साथा लाहां जाबाय
गोसोआ आंनि।

बाना जाखाबाय जावलांनो
मालाय नावखौं बहा।

साथाखौं हमबालाय मा जानो?
जाबाय जाबाय गोसोआ आंनि बिनि दुखुआवनो
उसाव बादाव।

लुना होदोंमोन आं
मालायनि समायना बिफांआव दैखौं।

सानाखैमोन आं बेलासि समाव दै लुना
होबादि रोदायाव नांना रान्हैगोन।

मालायनि हासार गोनां हायाव रज’नाय
समायना बिफांनि बिबारखौं आं बोरै मोन्नो?

दुखुआव दोनफ्लांबाय आं बेखौं
निमाहा होगोनदा बेयो आंखौं?

सानगोनदा बियो आंखौं निमाहानि
जग्य’? हिन्दि रावआव होन्दों,
मैने किसिका दिल दुखाया है,
मुझे माफ करो,
आनजानेमे गलती हगैया।

आनसाइ गयारी
जिल्ला: कक्राझार।

जखायसे लिमारिक

(से)
लोंदों आरो लोंदों गिसि– गोरान
दाखालिबो, मैयाबो, दिनैबो
लोंदों आरो गाबोन.....?

गोबां तेनसन दंनो जोंना आदाया
बेनो बिनि जौ लॉनायनि थांखिया,
जौ लॉब्लानो तेनस’ना
जोबना फैगोन ने?

(नै)
नैबे गोदान मुगानि सेंग्रा माखाफोर
गोसो थोयो बिसोर खालि गुफुर– गुफुर
सिख्लाफोर,
बेनिखायनो देलायो जों गुफुर
जागौबा
मोजां– मोजां सेंग्राफोरजों
गोसो थोजागौबा,
गुफुरखौल’ मानो मोजां मोनो
बिसोर.....?

(थाम)
बे कलेजनि आं मिस बिउति
सेंग्राफ्रा आंजों मानो थाबायो
खाथि–खाथि?

धोन दौलतजों बुंफबनाय नखर
नङब्ला
अजय, आमिर खान
मोनबायदि महरगोसा
सेंग्रा नङब्ला,
हाबाखौनो लाश्रा आं सयथि.....।

मुश्री पवित्र मोसाहारी
गामि: पद्म’बिल
ला:सो: आल्फागाव
जिल्ला: कक्राझार (बि.टि.सि)।

जिउनि बुब्लियाव

बे जिउ दानो दं दानो गैया
गोसोम–गुफुर गाबनि साया
माबोला रंगिना–संगिना सिमां
माबोला गिथाव बारहुंखा।

मिथिस’ हाया हमदां मोना
बेनो नामा सोरजिनि फाव
हनथानि बारहुंखाया
बिरबायनानै आं सानसे

अन्नायनि लामाखौबो
फोरमाय नांबाय बुजि मोनै
जाहोनाव
बेसेबा गुवार लैथोआव
बुसोम जानांबाय दैन दाहाराव।

सोरनि अन्नायजों रंजानो
सोरनि दुखुजों गावफानो
मिथि मोना बे मुतुगुाव
संसारनि माया गेलेनाथाव

सोरनि गेले होनायाव जानांखो
दिनै आलाय–सिलाय
नोंजों आंजों सेरखाय–बेरखाय
जाय दुखुखौं आं सानसे

अराय सहाय नांबाय,
थाबाय बियो दिनै
मुलुगनि आन्दोआव
जिउनि बे बुब्लियाव।

आय ! जाय जारिमिन आंनि
अराय थांना थानायनि
इयुन जिउनि थांखि।

गोरोन्थिआ सोरनि
मिथि मोना रावबो
खैफोतआ मानि?

जायखो गोसो खाङे जेबोला
सावन–भाद्रनि दुंनाय थिं–थिं
सानदुं आवबो गोजांсп्रिउ
मोनो अब्लानो आं सुगलायो।

गोसो आंनि जेब्लायबो
हास्थायो।

थरायना जयमा राणी ब्रह्म।
जिल्ला: कक्राझार।

मानसि

“‘लाय होयोब्ला
फाप्लियाव बारखोयो
आदर खालामब्ला
बुरखायदों सानो
गाहाम बोसोन
होयोब्ला उल्टा मोखां जायो
गाहाम मावना
होयोब्ला सिमान लाया
फोथायोब्ला
खहा खालामो
सुखुनि बाश्रायाव
मेगन सायो
दुखुनि बाश्रायाव
खाबु नाइगिरो
मोजां मोनोब्ला
दावदाब दोनो
गावनि जाफुसारबोला
जानगार लाङे
मानसिनि
जेसेबां मोनो
एसेबां नांगौ
दोहोन दौलर्तनि
खांखुवा जाबाय
गिदिरा उन्दैखौं
गादबना जायो
बोलोगोराआ
बोलोगैयैखौं
सेरथेयो’’

बे बादि
आखुथायनि
जानाया
गाहाम ने?

मंकर लाल बर’
तितागुरी

रंजालि गथ’फोरनि सौरा

आंनि मेगननि फैसालिआव नों

मेगननि फैसालिआव हाबना थाबाय नों !
आंनि गोर्बो बिखायाव अरायनि थाखाय
जायगा लार्दोंमोन रजे.....नों.....,
माबोरै बावनो हाबावनो आं नॊखौं सना॥

बावनो नाजाबानो दाहानि निजोरायसो.....
बोहेग्लायो जेब्लाबो जिउआव.....॥।

गोर्बो बिखा सिंखाव–सिंखाव बोहैदोंमोन,
नॊनि अन्नाया आंनि लायमोन सोलेराव.....
नॊनोथ’ जसि हरप्रोदोंमोन मोजां मोन्नायनि
इसाराखौं आंनो मुलुग संसाराव दिनै.....

नाथाय,
दिनै मा सानखो नों आंनि अन्नाय आरो मोजां
मोन्नाय नों अनसुला सनाआ.....॥

थार मोजां मोन्नायखौं नंखाय खालामना....
गोथार अन्नायखौं नेवसि गारना
खालाम लांनोसै नामा नों आंखौं लामानि
सासे अन्नायनि बिबायारि महराव...

नों जुदि आंनि गोर्बो बिखायाव हांमा होलांबा
जानानै थागोन आं.....
नॊजॊनो नेवसि गारजानाय गोथै सालिनि
सासे भुत जानानै थागोन आं जोनोमाव।

बावनो सानबाय नामा नों आंखौं स.....ना॥

दं खालि आंनि गोर्बो बिखायाव नॊनि ल’
अन्नाय दिनै....आरो थागोन अरायबो...॥॥

थरायना राणी ब्रह्म
ला:सो: दतमा।
जिल्ला: कक्राझार।

खारौं खान्दाय बिबार

आं हर गेजेरनि बारसे
समायना बिबार
मुंखौं बुङे बयबो आंखौं
खारौं खान्दाय
हरावनो थुफियो,
हरावनो बारो
आरो हरावनो सिरिफिनो।

अनसाया आरो लुबैया रावबो
आंखौं खोनासङे
आंनि जिउनि जारिमिन,
सान अघ्रांनि सान राजाजों
नेवसि जानाय आंदि
बारसे समायना बिबार।

नाथाय मिथिगौ दानखोमसि
हरनि फुर्णिमा अखाफोर
गावदांआ
आंनि हार्सिङैं गाबनाय
आरो मिनि फिन्नायखौं
हांमानि खन्थाय लिरनाय,
दाहानि सल’ लिरनायखौं
बियो बुरखायो
अनसायनायजों आंखौं
फुंबिलि जारां सानजों
रंजानो
फागुन दाननि
सुदेम बारजों
मोसाग्लानो
नाथाय हायाखिसै
आं निन्दा आरो
मुं सुनायनि
बे सोमखे
मोखांखौं लानानै
गावदां अख्जाफोरनि
बोसोनखौं लाखिनो।

मिस बनमि नार्जारी

सैया–सैया खालामो अनजालुआ आंखौं

नै अनजालु नों आंखौं
गोजाननिफ्राय नुब्लानो,
मानो एरा–एरा खालाम लाङे?
मानिबा गोरोन्थि
बुंफ्लांदों नामा आंलाय?
ना माबाफोर
दाय मावफ्लांदों नामा?

दिनै नों आंखौं गारनानै,
गुबुनखौं लानो सान्दों नामा?
बिदिब्ला नों मानो
आगोलाव आंखौं
मोजां मोनामोन?

दाना मानो सैया–सैया
खालामखो?
सानदोंमोन नामा नों
आंखौं सान्नैसोनि,
थाखायल’ मोजां मोनफ्लानो,
आंखौं फाग्लिसो
खालामनो सान्दोंमोन
नामा नॉंलाय अनजालु?

आं नॊखौं थैनानै
थांब्लाबो नॊनि,
महरखौं बावनो
हानाय नङ।

आंनि थायनै मेगनाव
नॊनि,
महरा जेब्लाबो
साया–माया गेले
फैबाय थागोन
अनजालु।

दाखालामसै नों
आंखौं सैया–सैया।

मुश्रीमा सबानि नार्जारी
भिलेज– नर्थ कचुगाँव
दिस्त– कक्राझार।

नोजोरनि हांमा

सिमा गैयै थायनै मेगननि गोफात नोजोराव,
आनथोर जयै गोर्बोनिफ्राय बोहैग्लायनाय निजोरानि गुथालाव
बुसोमजाबाय दिनै आं मिथिंगानि बान गैयै जाल्लायाव।
सुथुर दैथुननि केलेंकारि नारसोमनायाव,
हायना मिथिंगा, बिदिन्थानि थिन्नायाव
जिउआव दावदाबसे मिजिं थिबाय
नॊखौंनो मिथिंगानि आखुथायजों गोरोबलांना
रिउ–रिउ सनानि दिङा जावलांनो

खोन्दो थाम लिमारिक खन्थाइ

लिमारिक खन्थाइ बिजाब गांसे
दिहुन्नो मिजिनाय दं सानसे
जेराव बेनिखायनो
आनथोर जयै रेबनो
बोलो फोराबाय दं हाजासे

जों लागोनि आदा मोलाव
जुलि जार्दोंमोन उन्दै समाव
जेबो रोङ माया
दा बिमा बिफाया
जानो नाङे महा जारलायाव

जों लागोनि सासे इउटुबार
फोरमायबाय थायो अराय बोथोर
गावनि गोसो थोनाय
गावनि मोजां मोननाय
माने सोरांबानो बेल’थार

–रैदोम बर’, बाक्सा

रुमिखौं हास्थायो आं

सोर नुदों सोर खोनादों आंनि
दुखु दाहाखौं,
दावप्ति दावसायासो साखि दं,
नॊखौं सान्नानै हार्सिं हाला बिबार
बारि–बारि बेरायला
बायनायखौं नुनानै
जरा– जरा बिदै सोबनो
फैनाय सिखिरि
सुबुंफोरा आंखौं
मिनिलांबाय।

नॊखौं आं गोसो
गोथारजों मोजां मोनो
नाथाय नॊनिफ्राय
अन्नाय मोन्नो लुबैयो
आं,
मानोनों गोसो
हगार सारना होआ नों,
नॊनि बेबायदि
गोदै रावजों रायज्लायनाय
फोरखौं लानानै
जायो आं उसाव– बादाव,
सोगोंनि अलंबार
बायदि बेफोरखौं
बावगार लांनांगोबा,

आंनि गोसोआ हिमालय हाजो
बायनाय बायदि
बायनानै खाम्फा लुहैनो
हायैबायदि
आंनि मेगननिफ्राय
निजोरा
बोहैगोन अनजालि।

रुमिनों गुबुननि थाखाय हांगार
फिथर ब्लाबो आंनि थाखाय स’ना
फिथर।

गावखौं बिबार बारि–बारि
बेरायनायखौं नुनायखाय,
आंनि गोसोआ
गनायगोन सान्ना
आंबो बिबार
बारियाव बेरायग्लां
बायो,
नाथाय गावखौं
नुवाबा गोसोआ
गनाया,
मोना बिलि
समाव थाङे
आं
नॊनि लांगोनायाव
आंखौं नेना थागोन सान्ना।

नॊनि मिनिनायखौं
नुयोबोला गोसोआ
आंनि अखा
मोफ्लामनाय
बायदि मोनो।

रुमिखौं हास्थायो
आं अरायबो,
लायजाम
हरदोंमोन आं
फिन्नाय मोनफिनासै,
नाथाय.....बिबा
सोरखौं हास्थायदों?

गपाल रामचियारी
जिल्ला: बाक्सा (बि.टि.सि.)

नों रजेखौं

गोमोथाव नॊनि महरा रजे--
जेबोला नॊखौं नुयो जेराव–मेराव
जेबोला नों थाबाय लाङे
दाव दिंखुर बायदि
जेबोला नॊनि राव
खोनायो दाव मैनानि
गारां अबोला
आंखौंनो आं
बावगोमा फ्लाङे।

आंखौंनो आं
बावगोमा फ्लाङे !
मोन्नाय मोनब्ला
नॊनि अन्नाय,
आजावनाय मोनब्ला
आंनि अन्नाय।

हाबाब मादि माया
गोनां नॊनि महरा?
बे नॊनि
समायना सोलेर
महरानो
आंनि बोदोर
गोसो सोलेराव
सिखिरि जानानै
बिरफाबाय
थायोनों रजे--
आंनि जिउ
सोलेरनि
सेर–सेर।

आंनि बोदोर
जावलिया
गोसोआ
नॊखौल’
मोन्नो हास्थायसै
रजे
मा राहाजों
मोनगोन
इसिबां
गोमोथाव
महर गोनां
नों रजेखौं॥

मुश्री सोर खुंगुर बर’
ला:सो: चन्द्रपारा, कक्राझार।

जोनोमनि उनथार बै सोनाब फैसालिसिम।
नाथाय.....बैसाग मासनि
दै जावरिनायजों बुथार जालांबाय नों,
जाय मिजिंक आंनि बायग्रेब लांबाय
जिउआसो आंनि नोजोरनि हांमा जालांबाय।

श्री आसिनाथ बसुमतारी

गाहाम देहानि राहा

गोजा थालिरआ सरासनस्त्रा थालिरनिख्रुइ बांसिन मुलाम्फा गोनां

बांसिन सुबुंफोरा मोजां गोहो मोननो थाखाय प्रटीनजों बुंफबनाय गोमो थालिर जायो। नाथाय नोंथाख गोजा थालिरनि बागै मिबथिगौ नामा? गोजा थालिरआ गोमो थालिरनि रुजुनायाव गोदैसिन आरो मुलाम्फा गोनां। बेखौ गोसोआव लाखिनांगौदि, बे सुपरफुडआ निउट्रियेन्ट आदारजों बुंफबनाय आरो गोबां सावस्त्रियारि मुलाम्फा होनो हागौ। खोला भारतआव गोजा थालिरनि आबाद मावनाय जायो। सावस्त्रि रोंग 'साफोरनि बायदिब्ला, गोजा थालिर जानाया बिबुनि सावस्त्रिखौ गोबां जौगाहोनो हायो। कनस्टेशननि जेंनानिफ्राय रैखा मोननो थाखाय गोजा थालिरखौबो जानो हागौ। फाइबारजों बुंफबनाय गोजा थालिरआ देहानि मेटाबलिजमखौ बांहोनो हागौ आरो नोंथानि लिरथाइ



खमायनायनि दावबायनायखौ गोरलै खालामनो हागौ। गोजा थालिरआ जौनि होबथानो हानाय गोहोखौ बांहोनायाव गोहोम गोनां जानो हागौ। जुदि नोंथाख लोरबां होबथानो हानाय गोहोनि थाखाय गले-गले बेराम जायोब्ला नोंथाख आदार बिथांखियाव गोजा थालिरखौ सोफादेरनो हायो। गोजा थालिरखौ मेंनाय आरो लोरबांथिखौ बाइइ खालामनो एबा बांसिन गोहो गोनां मोननो थाखायबो जानो हागौ। बेनि अनगायैबो आयसनजों बुंफबनाय

गोजा थालिरआ एनीमियाखौ दबथायनायाव हेफाजाब होनो हागौ। गोजा थालिरखौ गोजौ थै नारसिनथाइखौ सामलायनो थाखाय जानो हागौ। बेयो नोंथानि बिखानि सावस्त्रिखौ गोबाडैनो साबसिन खालामनो हागौ। जुदि नोंथाख बेगेंफोरखौ गोखों खालामनो लुबैयोब्ला सानफ्रोमबोनि आदार बिथांखियाव गोजा थालिरखौबो सोफादेरनो हायो। थार बिबाइव आरो थार लामाजों गोजा थालिर जानाया जौनि सावस्त्रिनि थाखाय बोर जानो हागौ।

मुगल ए आजम सावथुनखौ बानायनायाव 14 बोसोर सम नांदोंमोन



भारतीय सावथुनआव सम सम माखासे एरैबादि सावथुनफोर खालामदों, जायखौ आधिखालावबो मोजां मोनो। माखासे कल्ट क्लासिक सावथुनफोर दं, जायखौ नायनो थाखाय सुबुंफोरा आधिखालावबो 2 निफ्राय 2.30 घन्टानि समखौ दिहुननो बावगार, मानोना बेफोर सावथुनफोरा बिसोरनि सायाव हेंअभार जाबाय। जों सावथयगोन मोनसे एरैबादि हिन्दी सावथुननि

बाभ्रा, जायखौ बानायनायाव 14 बोसोर सम नांदोंमोन। बे सावथुननि सायाव मेकारफोरा गोबां रं गारदोंमोन। जेब्ला बे सावथुनआ बक्स अफिसआव नुजाथिदोंमोन अब्ला थिएटरखौ हिन्जाव गोदान बादि साजायदोंमोन। बे सावथुनखौ नायनो थाखाय नायगिरिफोरा थिएटरनि बाइजोआव गोलाव लाइन जानानै थायोमोन। मिथियोब्ला गोमोहाबगोनदि,

60 जौथायाव रिलीज जानाय बे सावथुननि दोंसे मेथाइयावबो 10 लाख रं खरसा खालामनाय जादोंमोन, जाय दानि समाव 50-100 कौटि रंनिखुइ खम नइ। सुबुंफोरा बे सावथुनखौ नायनो थाखाय एरैबादि एक्साइटेड जादोंमोनदि, साननै सिगांनो टिकेट बायनो थाखाय थिएटरनि बाइजोआव गर्सनानै थायोमोन। जों सावरायगासिनो दइ 5 आगस्ट, 1960 आव

रिलीज जानाय रमान्टिक मिउजिकेल सावथुन मुगल ए आजमनि बाभ्रा, जेराव दिलिप कुमार आरो मधुबालाआ गाहाइ फाव खालामदोंमोन। बे सावथुनखौ के आसिफआ दिहुन्दोंमोन आरो बिथाइनो बेखौ बानायदोंमोन। बे सावथुननि सायाव के आसिफआ 1.5 कौटि रं खरसा खालामदोंमोन। सावथुननि प्यार किया तो डरना कया मेथाइआव बिथाइ 10 लाख रंखौ दै बादि खरसा खालामदोंमोन। 60थि जौथायनि बेयो गिदिर बाजेत सावथुनफोरनि गेजेराव मोनसे। मख 'नो गोनांदि, दिलिप कुमारआबो बे सावथुनखौ खालामनो नागिराखैमोन, नाथाय मेकासंफोरनि गले-गले खावलायनायाव फावखुंगुआ गनायदों। सावथुननि मेथाइआ आधिखालावबो हित, जायखौ नौशादआ कम्पज खालामदोंमोन।

फावखुंग्रि निरुपा रयआ गावनि केरियारआव गासै सावथुनफोराव बिमानि फाव खालामदों

‘राजा और रंक’ सावथुननि तु कीतनी अच्छी है, तु कीनी भोली दै, प्यारी-प्यारी है, अ मा अ मा, मेथाइआ बलिउडनि गोसोआव थाथाव मेथाइफोरनि मादाव मोनसे दिनै माडार्स डेनि खाबुआव बे मेथाइखौ नोंथांमोनहा माखासे सुबुंफोरनि व्हाटसएप स्टेटाज आरो इनस्टाग्राम स्टरियाव खोनानो मोन्नो हागौ। साफ्रोमनि जिउआव बिमानि बिफावआ बयनिखुइबो जर'खासिन जायो। बलिउडआव माखासे औरैबायदि फावखुंग्रिबो दं, जायफोरा पर्डांआव बिमानि फावखौ फोथादों। माखासे फावखुंग्रिफोरा माखासे सावथुनफोराव बिमानि बिफाव होदों। माडार्स डेनि खाबुआव मिबथिना लागोन। बै फावखुंग्रिफोरनि सोमोन्दै जायफोरा गावनि केरियारआव बांसिन बिमानि बिफाव होदों। ‘मेरे पास मा है’ अमिताभ बच्चन-शशि कापुरनि ‘दीवार’



सावथुननि बे डायलगखौ जाय बिमानि थाखाय बुंनाय जादोंमोन, बे फावखुंग्रियानो जादों निरुपा रय। निरुपा रयआ दीवार, दो

बिधा जमीन, अमर-अकबर-एन्थनी, सुहाग, मुकन्दर का सिकन्दर आरो मर्द बायदि माखासे गोसोआव थाथाव

सावथुनफोराव बिमानि बिफाव होदोंमोन। निरुपा रयआ गावनि केरियारआव अमिताभ बच्चन आरो शशि कापुरनिफ्राय लानानै धर्मेन्द्र आरो देवानन्द बायदि माखासे स्टारफोरनि बिमानि बिफाव होदोंमोन। मिबथिनो मोन्नाय बायदिब्ला, निरुपा रयआ गावनि केरियारआव गासै 200 सावथुनफोराव बिमानि बिफाव होदों। बेनिखायनो बिथांखौ बलिउडनि बिमा बुंनाय जायो। बलिउडनि जारिमिनारि सावथुन

सलमान खाननि भारत-पाकिस्तान सिजफायारनि सायाव पस्ट शेयार खालामनायखौ माखासे सुबुंफोरा खुद्रिखांदों

22 एप्रिलखालि जम्मु-काश्मीरनि पेहेलगामआव उतखारि गाग्लोबदोंमोन जेराव सा 26 सो सुबुंफोरा जिउ गोमादोंमोन। बे गाग्लोबनायनि 15 थि सानाव भारतआ पाकिस्तानआव थानाय मोन 9 उतखारि थाप्रा जायगाफोरखौ सिलिंखार खालामदों आरो उनाव मोनै हादतनि गेजेराव दावहाया जागायदों। खमैबो

सान्थामसिम सोलिनाय बे दावाहाया 10 मे खालि सिसफायारजों लोगोसे फुल स्टप लागायनाय जादों। पेहेलगामआव उतखारि गाग्लोबनाय, अपारेसन सिन्दुर आरो सिजफायारखौ लानानै बलिउड आरो टिभि सेलिब्रिटीजआ गुवारे गावसिनि राय दोन्दों। नाथाय सशेल मिडिया इउजार्सफोर बलिउडनि



माखासे सुपर स्टार्सनि सिरि थानायखौ हामजाथाव मोनाखै सलमान खानआ उतखारि

‘भल चुक माफ’ सावथुनखौ रिलिज खालामनायनि सायाव मम्बे हाइ कर्टआ होबथादों



बेखौ हादतनि रैखाथिखौ नोजोर होनानै हादतखौ गिबिसिनाव दोन्दों। नाथाय पिभिआरआ दाबि दैखाडेदि, बे थांखिखौ गाजि एडभान्स बुकिं नि जाहोनाव लानाय जादों। बलिउड हांगामा रिपर्टनि

बादिब्ला, 6 मेखालि बुजिलायनाय जानायाव सावथुनखौ 8 सप्ताहनि थिएट्रिकेल उइनड'नि उनावसो रिलिज खालामनो गोनांमोन। पिभिआरआ फोसावनाय स्क्रिन बुकिं आरो टिकेट फान्नायाव

गोबां रं खरसा खालामदोंमोन, जायनि जाहोनाव बिथाइ 60 कौटि रं खहा जादोंमोन। 9 मेखालि मम्बे हाइ कर्टआ पिभिआरखौ रेहाय होदों। जास्टिस अरिफ डरक्टरआ मेडाकखौ सावथुनखौ अटिटि

एबा गुबुन प्लेटफर्मआव रिलिज खालामनो थाखाय बै समसिम होबथादों, जेब्लासिम थ्रिएट्रिकेल रिलिजनि उनाव 8 सप्ताहनि हेल्डबेक पिरियडआ आबुं जाया अब्लासिम। कर्टआ बुडोदि, पिभिआरनि फोसावनाय आरो स्क्रिन बुकिंनि गेजेरजों गावनि बिबानखौ मावदोंमोन आरो हरखाबै होबथानाय जाहोनाव बिथाइ खहा जादों। मेडाकनि बे दाबि दैखानायखौ नेवसिगारनाय जादों आरो फैगौ हियारिआ 16 जुनआव जागोन। बे सावथुना मोनसे रमान्टिक कमिडि सावथुन, जेराव राजकुमार राव, वामिका गब्बि, सन्जय मिश्रा आरो सिमा पाहवा बायदि फावगिरिफोरा दइ।

‘हिट 3 आरो रेट्र’ सावथुननि गेजेराव बक्स अफिसआव गोख्रों बादाय लायनायखौ नुनो मोन्दों

1 मे 2025 खालि सिनेमाहलफोराव रिलिज जानाय साउथनि मोनै गोख्रों सावथुनफोर ‘हिट दा थार्ड केस’ आरो ‘रेट्र’ नि गेजेराव बक्स अफिसआव बादायलायनायखौ नुनो मोन्दों। नानीनि ‘हिट 3’ सावथुन तेलुगु सावथुननि एक्सन थ्रिलार सावथुन आरो रेट्रआ सुर्यानि तामिल रमान्टिक एक्सन ड्रामा सावथुन। रेट्र आरो हिट 3 सावथुनफोरा गावसिनि फारसे गिबि साननिफ्रायनो नायगिरिफोरनि नोजोरखौ गावसिनि फारसे बोनो हादों, जाय सावथुना बांसिन दोहौ सोमजिहोदों बेखौ बेनि 10 साननि कालेक्सनानो रोखा खालामबाय। बेनि गेजेराव 10थि सानाव शनिबारखालि मोनै सावथुननि गेजेराव बबेया बांसिन दोहौ सोमजिहोनो हादों, बेनि लेटेस्ट कालेक्सन रिजल्टआबो सोराइव फैबाय। सैलेश कलानुनि बिथोन होनायाव बानाय जानाय सास्पेन्स थ्रिलार हिट दा थार्ड केसआ गिबि सानाव भारतआव 21 कौटि रं आरजिदों। सावथुननि बांसिन फालांगिआ तेलुगु रावआव जादोंमोन।



अभारसिज मार्केटआव सावथुनआ 6.50 कौटि रं आरजिदों, जायजों गिबि साननि कालेक्सना 27.50 कौटि रं थादों। नैथि सानाव सावथुनआ 10.50 कौटि रं नेट आरो थामथि सानाव 10.40 कौटि रं आरजिदों, जायजों थामथि सानाव भारतआव गासै 41.90

कौटि रं आरजिदों। बबेखानि नैथि शनिबारखालि हिट 3 सावथुना नख 'रारि बक्स अफिसआव मोजां फालांगि खालामदों। सेकनिलकनि रिपर्टनि बादिब्ला, नानीनि सावथुना 10थि सानाव भारतआव 2.50 कौटि रंनि नेट कालेक्सन खालामदों। बे

अमिताभ बच्चनआ आपारेसन सिन्दुरनि सायाव गिबि खेब पस्ट शेयार खालामदों

पेहेलगाम उतखारि गाग्लोबनाय आरो अपारेसन सिन्दुरनि उनाव सावथुन मुलुगनिफ्राय माखासे मुंदांखा फावगिरिफोरनि रिएक्सनआ सोराइव फैदोंमोन। नाथाय बे जाथायनि सायाव बिग बिआ जेबो पस्ट एबा बिबुंथि होआखैमोन। साफ्रोमबो सान्दोंमोनदि बेनि सिंनि जाहोना मा जानो हागौ। नाथाय गोबाव समनि उनाव अमिताभ बच्चनआ गावनो फिन्नाय जानानै फैदों। 19 सानसिम सशेल मिडियाआव लांदां पस्ट आरो सिरियै थानायनि उनाव बिथाइ 11 मे 2025 आव मोनसे दुखुगोनां पस्टनि गेजेरजों पेहेलगामाव गाग्लोबनायनि सायाव गावनि गोथौ दुखु मोन्नायखौ फोरमायदों आरो भारतीय सान्स्थनि अपारेसन सिन्दुरखौ बाख्नायदों। 22 एप्रिल 2025 आव जम्मु-काश्मीरनि पेहेलगामाव जानाय



उतखारि गाग्लोबनायाव सा 26 सुबुंफोरनि जिउ गोमादोंमोन, जेराव बांसिनानो टुरिस्टफोरमोन। बे गाग्लोबनाया गासै हादतखौ सोमावगलुंदोंमोन। अमिताभआ गावनि सशेल मिडिया पस्टआव मोनसे दुखु नांथाव जाथायखौ रायखांदों, जेराव उतकारिफोरा जरासे बिसि फिसायखौ गाग्लोबदोंमोन। बिथाइ लिरोदि, उतखारिफोरा फिसायखौ इनयै बुथारदों, नाथाय बेबादि दाखालाम होन्नानै बिसिआ जोबोद खावलायबाय थादोंमोन।

अमिताभ बच्चनआ गावनि बिफा हरिभन्स सय बच्चननि खन्थाय सिरिफोरखौ बाहायनानै बै रान्दि आइजोनि दुखुखौ फोरमायदों। बिथाइ बे गाग्लोबनायखौ माब्लाबाबो बावनो हायै गाग्लोबनाय होन्ना मिबथि होदों। 7 मेखालि भारतआ पेहेलगाम गाग्लोबनायखौ फिन्नाय होनो थाखाय अपारेसन सिन्दुरखौ जागायदोंमोन। अमिताभआ बे अपारेसनखौ ‘मोजां’ होन्नानै सान्स्थिफोरनि खामानि मावनायखौ सेलयुट होदों।

सिरियै थादों। सान्थामआव बिथाइ मोनसे पस्टबो खालामाखै। बेनि गेजेराव जेब्ला भारत-पाकिस्ताननि दावहाया सिजफायार जायो अब्लासो सलमान खानआ खुद्रिखांदों। 10 मेखालि मोनबलि 5 रिगासोयाव सिजफायारखौ फोसावदों आरो सिकन्दर सलमान खानआ 9 रिंगासोआव एक्स हेन्डेल दुइतरआव मोनसे पस्ट शेयार

खालामानानै बुडोदि, इशोरनि अन्नायाव सिजफायार जाबाय। बे पस्टआ शोयार जानाय लोगो लोगोनो सशेल मिडियाआव सुबुंफोरनि गेजेरआव खुद्रिखानाय सोमजिदों। सुबुंफोरा बुडोदि, बिथाइ अपारेसन सिन्दुरनि फारसे मानो पस्ट खालामाखै आरो दा सिजफायारनि सायाव मानो रिएक्ट खालामखो, सशेल मिडियाआव जेना बानायनि दसे उनाव सलमान

खानआ एक्सनिफ्राय गाव शेयार खालामनाय पस्टखौ बोखादों। सलमान खाननि अनगायै शाहरुख खान आरो आमिर खाननि सिरि थानायाबो सुबुंफोरखौ गोमोहाब होदों। माखासे सुबुंफोरा सलमान खाननि सापर्टआव गावसिनि रिएक्सन होगासिनो दं। सलमान खानखौ जोबथा खेब सिकन्दर सावथुनाव नुनाय जादोंमोन।

অল ইন্ডিয়া চেস মাস্টাৰ্সআব টপ 10 গেলেগিৰিফোৰা মোজাডৈ দিন্ত্ৰিফুঁনাযজোঁ আবগায়দোঁ

গোদান দিল্লী, 11 মে: অল ইন্ডিয়া চেস মাস্টাৰ্স ফিডেৰেট চেস সেম্পিয়নসিপআব টপ-10 গেলেগিৰিফোৰা গাবসোৱনি গিবি ৱাণ্ডআব মোজাডৈ দিন্ত্ৰিফুঁনো হানায়জোঁ লান্ঠিয়ৈ আবগায়দোঁ। মুম্বাই চেস সেণ্টাৰআব খুঁজানায় বে ইধেন্ৰআব ডাকাচ জগেসিয়াআ গোসোম পীসজোঁ গেলেনাই মাযান ঙ্ৰাখৌ 1-0 স্কৰআব ফেজেন্দোঁ। নৈথি বৰ্ডআব যাশ কাপাড্ৰিআ গুফুৰ পীসজোঁ সন্দিপ আৰ্টখৌ ফেজেন্দোঁ। 16 বোসোৰ বৈসোনি ডাকাচ জাগেসিয়াআ মুম্বাইনি জানানৈ টপ ৱেঁকিং মহৰৈ সেলেণ্জআব ঔঁখাৰদোঁ। বিথামোনি অনগায়ৈ দৰ্শ শেতি, অম গাডা, জাহাবী, সনেজী,



অধিষেক পাটিল, সিদ্ধাৰ্থ আৰো মাযুৱেস পাৰ্কাৰিআ দেৱহানায়জোঁ আবগায়দোঁ। বে দুৰ্ণামেণ্টআব গোবাঁ সেলেণ্জ হোণ্জাযগোনখৌ মিৰ্জিথিদোঁ।

মিডফিল্ডাৰ ডেন্নি মৈতেইআ গাবনি হাৰিমাযাৰি গিবি হেট্ৰিকখৌ নখ 'ৱনিসিম ক্ৰেডিট হোদোঁ

ইটানগৰ, 11 মে: মিডফিল্ডাৰ ডেন্নি মৈতেই লাইস্লামআ গাবনি গোখোঁ গোহোজোঁ হাৰিমাযাৰি ফুটবলনি ফোথাৰআব গিবিয়ৈ হেট্ৰিক গল সোনো হাবায়। গল্ডেন জুবিলী ষ্টেডিয়াম ইউপিযাআব গেলেনায় মেচআব অৰুনাচল প্ৰদেশনি লাইমোন গেলেগিৰি ডেন্নিআ ভাৰতনি 8-0 গলআব শ্ৰীলংকানি হেঁথায়ৈ দেৱহানায়াব বে জাফুঁসাৰনায়খৌ মোন্দোঁ। সৈফ আন্ডাৰ-19 সেম্পিয়নসিপ 2025 নি বে মেচআব ভাৰতনি হান্জাযা জাগায়জেন্ণায়নিফ্ৰায়নো



গাবসোৱনি গোখোঁ গোহোখৌ ফোথাৰআব লাখিদোঁ। মেচনি উনাব খৌৱাংগিৰিনি মোগা-

ফোৰমায়নানৈ বেনি থাখায় কচিং ষ্টাফ আৰো লোগো গেলেগিৰিফোৰনিসিম মদদনি থাখায় সাবায়খ'ৱ হোযো। জেৱাব গাবনি বে মোনফুঁনায়নি থাখায় বিথাডা ক্ৰেডিটখৌ নখ 'ৱনিসিম হোযো হোণ্ণা ফোৰমায়নানৈ গাবনি বে হান্ঠিনায়াব বিমা আৰো বিফানি থোজােসে বিহোমা দড হোণ্ণা ফোৰমায়ো। গোখোঁ হেডাৰ আৰো আগ্ৰি আৰ্থিনি গোখোঁ গেলেগিৰি বিথাডা শ্ৰীলংকানি হেঁথায়ৈ গাবনি গোখোঁ শটজোঁ বে জাফুঁনায়খৌ মোন্দোঁ। বিথাডা সৈফ আন্ডাৰ-17 সেম্পিয়নসিপ 2022 আব হান্জানি দেৱহানায়াববো বাহাগো দডমোন। জেৱাব বেনি অনগায়ৈ এফসি আন্ডাৰ-17 এসিয়া কাপ 2023 আববো গোখোঁডৈ দিন্ত্ৰিফুঁদোঁ।

স্মৃতি মন্দনাআ হৰমনপ্ৰীটখৌ উনাব লাখিদোঁ



গোদান দিল্লী, 11 মে: ভাৰতীয় আইজো হান্জানি গোখোঁ অপেনি বেটসেমন স্মৃতি মন্দনাআ শ্ৰীলংকানি হেঁথায়ৈ গেলেনায় ট্ৰাই সিলিৰ্জনি ফাইনাল বাদায়নায়াব 101 বলআব 116 ৱন লাডোঁ। বিথানি বে গেহেজোঁনো ভাৰতনি হান্জাযা বিৰ্মুনি মেচআব

বান্জায়গিৰি হান্জানি হেঁথায়ৈ 300 ৱননি বাঁসিনি টাৰ্গেট দৈখানো হাডোঁ। বিথাডা বেযাব গেলেনায় বণ্ডেআব 11 থি সেল্চুৱি লানায় থিসনানৈ মোনসে ফাৰিআব হান্জানি কেপ্তেন হৰমনপ্ৰীট কৌৱখৌ মোনসে ফাৰিআব উনাব লাখিদোঁ। বিথাডা গাবনি বে

ৱন লানায় সমাব খেব 15 ব্ৰে আৰো খেবনৈ 6 ৱন লানায়জোঁনো ভাৰতীয় আইজো হান্জানিফ্ৰায় বণ্ডেআব বয়নিখুই বাঁসিনি 6 ৱন লানায় গেলেগিৰিবো জানো হাডোঁ। মন্দনাআ বে ফাৰিআব হৰমনপ্ৰীটখৌ গাখলায়দোঁ। বিথাডা দাসিমআব খেব 102 বণ্ডে মেচ গেলেনায়াব 46.59 জৌখোণ্ডোজোঁ 4473 ৱন লাৰায়। জায়নি ফাৰিআব বিথাডা খেব 54 ড' ৱন লাডোঁ। বেৱাফাৰ্চে হপমনপ্ৰীটআ খেব 146 বণ্ডে মেচআব 37.55 জৌখোণ্ডোজোঁ 3973 ৱন লানায়াব খেব 53 ড' ৱন লাডোঁ। মন্দনাআ আইজো বণ্ডে ক্ৰিকেটআব বয়নিখুই বাঁসিনি 50+ ৱন লানায়াববো টপ 5 আব জায়গা মোনো।

আসাম ক্ৰিকেট এস 'সিএসনআ নৰ্থ-ইষ্ট ৱাইজিং কাপ 2025 খৌ বান্জায়নো সাখা-ফাৰা জাডোঁ

গুৱাহাটী, 11 মে: আসাম ক্ৰিকেট এস 'সিএসনআ নৰ্থ-ইষ্ট ৱাইজিং কাপ 2025 খৌ আন্ডাৰ 15 হিন্জাবসা থাখোনি থাখায় খুঁফুঁনো জাণ্জি খাফাডোঁ। জেৱাব বেনি গেজেরজোঁ ঔনসোলাব আইজোফোৰনি থাখায় ক্ৰিকেটখৌ জৌগাহোনায়নি নোজোৰ লাখিনায় জাডোঁ। 35 অধাৰ ফৰ্মেটনি বে বাদায়নায়াব সা-সান্জা ৱাইজ্যোফোৰনিফ্ৰায় মোন 8 হান্জাফোৰা বাহাগো লাগোন। জেৱাব গিবি খেব হান্জাফোৰনি গেজেৱাব বে দুৰ্ণামেণ্টআব বাদায়লায়নায়খৌ নুনো মোনগোন। বে দুৰ্ণামেণ্টনি মেচফোৰখৌ গাহায়ৈ মোননৈ থাবনিফোৰাব খুঁফুঁনায় জাগোন।



সা গুৱাহাটীনি এসিএ ক্ৰিকেট একাডেমি ফোথারনি অনগায়ৈ গুৱাহাটীনি এসিএ ষ্টেডিয়ামনি এনএক্স ফোথারআববো মেচখৌ বান্জায়নায় জাগোন। বে দুৰ্ণামেণ্টনি গেজেৱজোঁ গাহাই থাখৌআব আইজো গেলেগিৰিফোৰনি ক্ৰিকেটআব বাহাগো লানায়খৌ আবগায়হোনো নোজোৰ লাখিনায় জাডোঁ।

লোগোসে লাইমোন হিন্জাবসাফোৰখৌ বেনি গেজেরজোঁ ৱেংথিখৌ সিনায়থিনানৈ গোজৌ থাখোনি বাদায়লু দুৰ্ণামেণ্টফোৰাব লাঁনায়নি থিৱাংথা খালামদোঁ। বাহাগো জানো গোনাঁ গাসৈ মোন 8 হান্জাখৌ মোননৈ গুপআব বোখাবনায় জাডোঁ। জায়নি গুপ-এআব আসাম, অৰুনাচল প্ৰদেশ, মনিপুৰ আৰো নাগালেণ্ডআ

লাখিজাডোঁ। গুপ-বিআব ত্ৰিপুৰা, সিক্কিম, মেঘালয়া আৰো মিজৰামআ জায়গা মোন্দোঁ।

দেৱ হা অল ইন্ডিয়া কাৰাটে সেম্পিয়নসিপআ গুৱাহাটীআব জাগায়বায়

গুৱাহাটী, 11 মে: গুৱাহাটী নোগোৰমানি সিখব থানায় নবিন চন্দ্ৰ বৰদলৈ ইন্ডাৰ ষ্টেডিয়ামআব দেৱ হা অল ইন্ডিয়া কাৰাটে সেম্পিয়নসিপনি থামথি সিজনআ জাগায়বায়। ইউনিফাইড কাৰাটে গুইল্ডজোঁ খুঁজানায় বে সেম্পিয়নসিপআব মাখাসে বৈসোযাৰি কেটেগৰিনি বাদায়গিৰিফোৰা গাবসোৱনি ৱেংথিখৌ দিন্ত্ৰিফুঁনো খাবু মোনগোন জেৱাব বাহাগো লাগিৰিফোৰ হৌৱাসা আৰো হিন্জাবসা মোননৈবো কেটেগৰিআব সাব জুনিয়ৰ, কেডেট, জুনিয়ৰ আৰো সিনিয়ৰ কেটেগৰিআব সেলেণ্জ হোণ্জায়দোঁ। জেৱাব বে ইধেন্ৰফোৰখৌ কাটা আৰো কুমিট



ডিসিপ্লিনআব খুঁফুঁনায় জাডোঁ। বে সেম্পিয়নসিপআব হাডৰনিফ্ৰায় গাসৈ সা 1500 বাদায়গিৰিফোৰা বাহাগো লাইগোন। জেৱাব সেম্পিয়নসিপনি গাসৈ ৱাডাৰি বান্ধাখৌ 10 লাখ ৱাং লাখিনায় জাডোঁ। বে সেম্পিয়নসিপনি বেখবজেন্ণায় হাবাফাৰিআব ৱাইজ্যোনি টপ কাৰাটে গেলেগিৰিফোৰখৌ গেলেনায়নি ফোথাৰআব বিহোমানি থাখায় মানজোঁ বৰায়নায় জাডোঁ। ৱাইজ্যোনি গেজেৱাব বে সেম্পিয়নসিপনি গেজেৱজোঁ আৰোবাব লাইমোন গেলেগিৰিফোৰনি থুলুগা মোনগোনখৌ মিৰ্জিথিদোঁ।

আসামআ সেপক থাৰুআব সনানি মেডেল দেৱহাডোঁ

গুৱাহাটী, 11 মে: আসামনি প্ৰিয়ানুজ ভট্টাচাৰ্যআ গাবনি গোখোঁ গোহোজোঁ খেল' ইন্ডিয়া ইয়ুথ গেম্চ 2025 আব হৌৱাসাফোৰনি সিংগেল্সআব সনানি মেডেল লাৰোদোঁ। ৱজগীৰ স্পৰ্টস কমপ্লেক্স ইন্ডাৰ হলআব খুঁজানায় বে ইধেন্ৰআব প্ৰিয়ানুজআ মিৰ্জিথি বাদিয়ৈ দিন্ত্ৰিফুঁদোঁ। গিবি বাদায়নায়াল তামিলনাডুনি পিবি অৰিনননি উনাব থাসেযাববো বিথাডা জোবনায়সিমআব 4-1 স্কৰআব দেৱহাডোঁ। বিথাডা ফাইনাল স্কৰসিমআব 7-11, 12-10, 11-7, 11-7, 11-6 স্কৰ লাইনআব দেৱহাডোঁ। জেৱাব বেযো প্ৰিয়ানুজনি থাখায় বে দুৰ্ণামেণ্টআব নৈথি মেডেল দেৱহানায়। মানোনা বেনি সিগাং ডাবল্স ইধেন্ৰআব বিথাডা



সিলভাৰ মেডেল দেৱহাডোঁ। হৌৱাসাফোৰনি ডাবল্স ফাইনালআব আসামআ বিহাৰনি হেঁথায়ৈ দেৱহাডোঁ। জায়নি ফাৰিআব গিবি সেটখৌ আসামআ 15-9 স্কৰআব দেৱহাডোঁব্লাবো নৈথি সেটআব বিহাৰআ আবগায়ফিন্দোঁ। জায়নি ফিথাই মহৰৈ জোবথায়াব এবা

থামথি সেটআব 17-15 স্কৰআব দেৱহাডোঁ। বেট লিফিটআব ধৰ্মা জয়ন্তী দেৱঘাৰিয়াআ ব্ৰন্জ মেডেলখৌ 55 কি:গ্ৰা:আব দেৱহাডোঁ। জেৱাব বিথাডা স্পেশআব 89 কি:গ্ৰা: আৰো ক্লিন এণ্ড জাৰ্ক আব 118 লিৰথায় দৈখানো হাডোঁ।

আয়ুষ আৰো উন্নতিআ তাইপে অপেননিফ্ৰায় জায়খাৰনায়জোঁ ভাৰনি অভিযানআ থুঁগেবায়

গোদান দিল্লী, 11 মে: ভাৰতনি শাটলাৰ আয়ুষ শেতি আৰো উন্নতি হুঙুনি জেন্ণায়জোঁনো তাইপে অপেন সুপাৰ 300 ইধেন্ৰআব ভাৰতনি অভিযানআ থুঁগেবায়। জেৱাব বিসোৰ সানৈআ সেমিফাইনালআব হৌৱাফোৰ আৰো আইজোফোৰনি সিংগেল্স অপেনআব জেন্ণাদোঁ। আয়ুষআ গিবিয়াব গোখোঁ গোহোজোঁ সেলেণ্জ হোনো হাডোঁব্লাবো জোবনায়সিমআব মুলুগনি 7 থি নম্বৰনি সাঅ থিয়েন সেনজোঁ 18-21, 17-21 স্কৰআব জেন্ণাডো। গোখোঁ স্পেশ আৰো নেটআব গোখোঁডৈ গেলেগ্ৰা মহৰৈ মিথিজনানায় আয়ুষআ সেমিফাইনালসিম হান্ঠিনায়াব মুঁদাখা গেলেগিৰিফোৰখৌ ফেজেণ্ডোঁমোন। জায়নি ফাৰিআব



অল ইংলেণ্ডনি ৱানাসআপ লী সিয়া হাঅখৌবো ফেজেণ্ডো হাডোঁ। বাৱগ' নম্বৰ 1 গেলেগিৰি হাঅখৌ ফেজেণ্ডো হানায়নি অনগায়ৈবো বিথাডা ভাৰতনি কিদাম্বি শ্ৰীকান্তখৌবো ফেজেণ্ডোঁমোন। বেনি সিগাং

উন্নতিআ মিৰ্জিথি বাদিয়ৈ গাবনি ট্ৰেকখৌ লাখিনায়াব ফেলৈ জাডোঁ। জাউনাব বিথাডা টপ ৱেঁকিং আৰো মুলুগনি নম্বৰ 8 থাখোনি বাদায়গিৰি জাপাননি টমকা মিয়াজাকীজোঁ 43 মিনিটআব 19-21, 11-21

স্কৰআব জেন্ণাদোঁ। উন্নতিআ গাবনি গোহোজোঁ ফ্ৰন্ট কৰ্টআব গোখোঁডৈ দিন্ত্ৰিফুঁদোঁমোন। নাথায় মোনসে সমাব 7-3 স্কৰআব আবগায়সেযাববো বিথাডা জোবনায় বুৰ্লিথিং ফেলৈ জাহৈদোঁ।

সেল্চিনি হান্জাআ জেনালাসে ডব্লিউএসএলনি সিজনখৌ ফোজোবনায় গিবি হান্জা জানো হাবায়



সেল্চিনি হান্জাযা বে সিজনআব খেবনৈ মেচ থাবাবনায়জোঁ সেম্পিয়নসিপ দেৱহাখানায়নি উনাব লিভাৰপুলনি বেৰেখায়ৈ ষ্টেপ্ট ব্ৰীজআব গেলেদোঁ।

লিভাৰপুলনি হান্জাযা বে মেচআব সেল্চিনি সোনায় গলখৌ সমান খালামফিন্ণো নাজাডোঁব্লাবো দোবথা বুৰ্লিসিমআব ফেলৈ জাহৈদোঁ।

বে দেৱহানায়জোঁ সেল্চিআ সিজনখৌ 60 পইণ্টজোঁ ফোজোবদোঁ। জেৱাব হান্জানি বে পইণ্টআ মোনসে ডব্লিউএসএলনি জাৰিমিনআব

ৱেকৰ্ড থিসনজাডোঁ। সেল্চিনি মেনেজাৰ সনিয়া বমপাষ্টাৰআ দেৱহাখানায়নি উনাব হান্জানি গাহাই থাখিআ দাসিমাৱবো জোবনানৈ ফৈয়াখৈ হোণ্ণা ফোৰমায়ো। জেৱাব বে খেবআব হান্জাযা নখ'ৱাৰি ফোথাৰআব গাবসোৱনি গোহোখৌ লাখিফিন্ণো জাণ্জি খাফাডোঁ হোণ্ণা ফোৰমায়ো। সোলিফু সমাব বে হান্জাযা এফএ কাপখৌ গাবসোৱনি ডব্লিউএসএল আৰো লীগ কাপজোঁ সৱজাবনো নাজাডোঁ। জেৱাব বেনি থাখায় হান্জাযা মন্বেষ্টাৰ ইউনাইটেডনি হেঁথায়ৈ বেমব্লেআব ফৈগী 18 মেখালি বাদায়গোন।